

卜筮全書

卜筮全書卷之十二

黃金策

五

○求師

捐金饌食。教養雖賴乎嚴君。明善復初。啓發全資于先覺。凡求師傳。須究文書。

文書卽卦中父母。此爻爲師道。爲書籍。爲學館。而又有尊長之義。故爲主象。

如居弱地。必範不範。而模不模。若在旺鄉。則矜可矜。而式可式。

父母休囚。其師必然畏懼局促。不能爲人之模範。旺相有氣。則魁梧雄偉。堪爲學者矜式。

臨刑臨害。好施橫楚之威。

橫楚傲頑之杖。父帶刑害白虎。其師性暴少慈。必好笞撻。旺動尤甚。臨青龍。則是儆戒弟子。非妄撻。逢歲逢身。業擅束脩之養。

父母卦身。或持太歲。其師專以嚴訓爲業。務得束脩。以爲養家者。

兌金震巽雜學堪推。離火乾坤專經可斷。

凡推師之專經雜學。不可依金鑠玄關。以本宮他宮言之。當以父母在震巽艮坎兌五卦爲雜學。乾坤離三宮爲專經。蓋巽兌二卦屬陰而陽爻反多。震巽坎三卦屬陽而陰爻反多。雜而不純。所以爲雜學之師。離雖不純而有文書之象。乾坤則不雜而有資生資始之功。所以爲專經。若父母在乾坤離卦之中。總或雜學。亦是良師。不在乾坤離卦之內。總是專經。亦非才士。

本象同鄉在內則離家不遠。本官異地在外則隔屬須遙。

本官父母。本鄉人氏。外官父母。外郡人。在本官而居。外卦雖是本鄉。離家必遠。在他官而居。內卦雖是外郡。必不遙遠。亦是鄰邦。他倣此。

與世相生非親則友

與世。父父相生相合。其師必與求師之家有親。若係他宮。外卦或與世爻不同。官者。相識朋友。父爻持世。亦是。非親則友。

與官交變不貴亦榮

父化官爻。其師異日必貴。卦無父母而鬼帶貴人化出。多是生員。不帶貴人。或臨衰絕。必是吏人。加

白虎或帶刑害。則是有病之人。父持月建。更加青龍。必有前程在身。父臨生旺。又得月建日辰生扶者。今雖未貴。後必榮達。若化空亡。雖貴不顯。

靜合福父喜遇循循之善誘。動加龍德。怕逢凜凜之威嚴。

父母與子孫作合最吉。必能博文約禮。循循善誘。甚得為師之道。必主師徒契合。惟怕發動。則尅子孫。更加白虎刑害。必然難為子弟。若不旺相而得青龍輔之。雖動不妨。但主其師嚴毅方正。凜然不可少犯。

父入墓中。邊孝先愛眠懶讀。

父父入墓。其師惟愛安逸。懶于教訓。逢空此墓。皆然得日辰衝破墓父。又主聰察。

財臨身上李老聃傳古通今

凡求師以財爲師之才學六爻無財必欠學問若得靜臨卦身或居生旺之地其師必多才學更得父爻有氣乃非常之師

母化子孫必主能詩能賦

父化福爻其師善作雜文帶刑害敗病等爻雖能作文必多破綻子帶月建又加青龍必然出口成章子孫休囚得月建日辰生扶其文必得改削潤色而後可觀若子孫胎養爻上與父作合其師必有小兒帶來

鬼連兄殺定然多詐多奸

凡遇兄動化鬼鬼動化兄皆主其師奸詐刑剋世爻必有是非口舌卦中兄鬼皆動或父化兄鬼傷

世者俱不可用。若不傷世。則主奸詐非凶也。

心是口非。臨空亡而發動。

父母一爻宜靜不宜動。宜旺不宜空。動空不誠實。靜空懶教訓。化空始嚴終怠。旺空羊質虎皮。外有餘內不足。避空則不然。

彼延此請。持世應而興隆。

世應俱持父母。主有兩家爭延之象。世動應靜。我先請。應動世靜。彼先請。兩爻俱動。重爻先請。一旺一空。可知那一邊可成。兩爻俱空。皆不成。若止有一爻父母而世應俱動。生合亦主兩家爭請。或一爻父母而世應比和全合者。是兩家合延一師也。父母與世同宮。設帳于此。與應同宮。設帳于彼。

應值母而生世。須知假館。

父動應上而世父動來生合者必歸于他家而欲附學也

父在外而福令必是擔囊

凡卜求師若子弟自古以世爲生徒不看福父父兄來占以子孫爲生徒不看世父若父在外卦又係他宮安靜而子孫動來相合必遊學他方擔囊負笈以從師也若父爻發動或子孫逢合住皆不然也

鬼化文書尅世則訟由乎學

鬼動固凶若又化出父母母刑尅世父異日必至爭訟父化鬼父或官父皆動有傷世者俱是爭訟之象若有衝散或得合住或遇制伏或化空亡則雖欲興詞終有和釋必不成訟

月扶福德日生則青出于藍

大抵求師不可專看父爻。須得子孫有氣不空。又遇月建日辰動爻生合。則學有進益。若父爻反衰。弟子反勝于師。如青出于藍。而青可藍也。父旺一衰。徒學而已。必不長進。子孫自空。當有大難。

刑剋同傷父子必懼其害合生為助官鬼莫受其扶

父為師。子為徒。受傷皆不利。如鬼爻來傷。因學成病。父爻來傷。因師有禍。福爻來傷。因徒惹災。兄爻來傷。則有是非口舌。或多費財物。不然則學無進益。惟遇生扶。則吉。然兄鬼來扶。又為不利。助桀為虐。故也。異日賓主不投。師徒不合。或有口舌官訟。皆出乎此。總不傷世。亦非吉兆。若世與父爻生合。則賓主自投。乃開人鬬喋間阻而已。

或擊或衝父母逢之不久

父母雖要有氣。然不宜動變。動則必不久。若在本宮內卦。或臨世上。而有此象。乃見師無坐。非不

久也。值遊魂卦。或化入遊魂者。尤甚。遊魂化遊魂。則一年遷一館。

或空或隔。世身見之不成。

世身空亡。延師不成。父母無故自空。亦不成。或父與世多相衝相尅。或應父自空。皆見難成之象。

財化父。父妻族薦之于不日。

凡占求師。以他官外卦之財。父爲師之學問。以本宮內卦之財。父爲酬師之束脩。及主人之妻妾。若卦有父母。遇本宮財。父又化一重父母者。不日間妻家。又薦一師來也。兄弟化出。則朋友薦來。動父是重。已薦過矣。動父是交。將薦來也。生旺且斷之。卦無父母。而遇動父。有化出者。不可言。又有先生薦來。本宮其師。卽是其人薦者。如子孫化出。爲僧道薦之類。他倣此。

母藏福德。僧家設帳于先年。

卦無父母。當看伏神。可知消息。如父爻伏在子爻下。其師前年必設帳于僧房道觀。如伏在官下。必曾在職役人家教授之類。若與世爻同宮。必與其家相近。與世比和。則與其主人相識。或生或合。非親則友。父伏世下。乃是舊師。

搜索六爻無過求理。思量萬事莫貴讀書。

凡求師不可專指道學之師。如欲投學。百工技藝。及非僧道為師類。皆是。但師之主象不異父母。而學者主象。則不可專取子孫一爻。當以世爻看之。如隔手來占。須問是何人。如是來占者之朋友兄弟。則以兄爻為主類。皆要師弟二主相生相合。則吉。相衝相剋。則凶。父母要旺相不空有助。而月建日辰動爻無傷者。不拘是何藝業。必是高手。臨月建。則是聞名者。衰則不濟。空則難成。世應宜生合。卦身宜旺相。二主不可傷。兄鬼不可動。如此則吉兆無疑矣。若父母不臨本藝之人。必非專門名家。

如學奉光棍及木匠類不臨木爻或震宮是也爻化兄或兄持世必先盡謝禮而後可成間動生合必須用變化出大書須立契券

○求館

附束脩

學得明師可繼程風于滿座師非良館難期買粟之盈倉故欲筆耕先須著筮世爲西席如逢父母必明經。

凡占書館以世爻爲西席之位如臨父其先生必是明經之人世在乾坤離三宮亦然臨官帶貴或木宮官伏世下多是秀才

應乃東家若遇官爻須作吏。

應父爲戶館東家主人。若臨官。必是官吏戶役人家。加白虎。則是病人。在三爻現病在床。休囚受制。則有羣服在身。加玄武。必與盜賊往來。應臨父母。加勾陳。種田人家。加朱雀。讀書人家。加白虎。宰殺人家。加騰蛇。工藝人家。應臨子屬金僧道作主。加朱雀玄武。是打獵人家。不然。則後生輩也。應臨財爻。吏在陰宮。又臨陰爻。而卦無官鬼者。必是婦人作主。有官則是富貴人家。財化財。財化子。做買賣人家。若被月建日辰動爻制伏。乃是奴僕爲主。應臨兄弟。平常人家。加朱雀。賭博人家。係本宮弟兄姊妹家。係他宮朋友鄰里家。若論住宅。係家宅章斷。

臨官兮少壯。休囚則貧乏之家。墓庫兮高年旺相。則富豪之主。

應父在臨官。帝旺爻主人必然強壯。如臨墓庫。必是高年。五行無氣。其家貧乏。五行旺相。其家富厚。

重加財福必然臣富德
性以五類六神參斷

值土火空無父母逢金水絕少兒孫

卦中六親即人六親然有兩人係于一卦者則彼
此六親宜不同矣又當何以定之不過生之理而
已且如占館以應爲東家應爻屬土火能生土不
拘卦中有無亦不拘是財官父子皆作父母斷生
我者故也應爻屬金金能生水不拘卦中有無亦
不拘財官父兄皆作子孫斷我生故也如火爻旺
空箇空動空主父母不全衰空必無父母火化火
兩重父母帶官鬼旺以貴斷衰以病言帶兄弟其
父好賭博無廉耻欠學問帶財父其父不富厚則
業貿易帶子孫其父則甚慈善慷慨有爲餘皆倣
此但不可以六爻總看當以在應官者爲彼六親
在世官者皆我六親也一宮三爻止餘二爻此官
不現者不可遂斷爲有無惟空亡乃是真無也其
貴賤壽夭性情容貌依常例推之他如兄弟妻妾

子息亦做此推之

不拱不和決定主賓不協相生相合必然情意相投

世應二爻刑衝尅害巽日賓主不合加以兄官發動大凶之兆若得生合比和情意必然相投生而化尅始和終不和衝而化合始疎而後密世與子亦宜生合則師弟間恩義兼盡若見衝尅亦多不睦也

財作束脩不宜化弟

占館以妻財爲束脩旺相多休囚少要知斤兩以生成數推之生旺倍加絕死減半在陽宮以生數斷在陰宮以成數斷今人但言水一火二木三金四上五而不言六七八九十是舉其生數而遺其成數也獨怕兄弟發動或財化兄主束脩不其入已必有人抽分費用不然則有名無實亦不能盡

取之也。財父無氣而遇月建日辰動父生扶者。東脩雖不多。四季節禮反周備也。易云天一地二天三地四天五地六天七地八天九地十。生也。

父爲書館。豈可逢空。

古館不可以父母爲師。當作書館論之。旺相有氣。則有好書館。卦無父或落空。必無書館。事亦難成。若占其年書館有無。全要此父出現有氣不空。必然有得。更得應來生合世父。自有人來延請。世父生合應父及父父。必須自去訪求。無人相請。卦無父而動父有化出者。不意中有人推薦也。若父化父。必有兩處書館。卦有兩父亦然。館有定期而遇父化父。館必兩處。本宮化入他宮。由近及遠。他宮化入本宮。自外以入內也。

地動合身。須得貴人推薦。

筮全書

卷上

黃金策五

八

官鬼發動。當有間阻。然來生合世身。又主其館必得貴人推薦。而後可成。應如尅世父。或落空。雖薦不成。

兄興臨應。決多同類侵謀。

凡占學館。應持兄動。必有同道之人爭謀其館。兄臨卦身亦然。若在間爻動。衝尅世。則主有破說。其成事難。

官如藏伏。應無督集之人。

鬼能生扶父母。故占館以此爻爲糾率子弟之人。若不出現。或落空。必主無人聚集生徒。以成學館。其事難成。又主無人推薦。若空而逢衝。伏而提起。必須央究其人。方許出來糾集。

應若空亡。未有招延之主。

應爻空亡。無人延請。更若父不出現。或落空。必難成就。應爻動。空化空。是假言作主也。不然。亦主不終其事。凡遇父母臨身。或遇動來生合。世身大吉。兆主其館易成。有此象。而應空鬼動。雖有糾集之人。而無招延之主。宜日開館。若鬼爻空伏。而應來生合。雖有延請之家。而無糾集之人。宜有招致。動象臨財難稱意。

文書爲占館用神。若遇財動。則被剋壞。未成者不能成。已成者不遂意。世身日月皆忌臨之。若得父持月建。或臨生旺。庶亦可成。

空爻持世豈如心

卦中父母出現。應來生合。而世爻空亡者。非館不成。乃是自不上前。或雖成不去也。應不生成。父母重疊。而世爻空亡者。爲有別館。故不成此。事無故自空。必不可成。雖成終不如意。

身位受傷雖成不利。

世身被月建日辰動爻刑剋雖有可成之象。日後亦不稱意。如鬼爻刑剋有官非疾病類。

間爻有動總苦難成。

間爻動事多阻隔故難成。

鬼或化兄備禮先酬乎薦館。

凡遇鬼爻動出兄弟必得禮物先酬薦館之人則可成。兄臨世身亦主先費財物。兄臨應上則是東家好利必得禮儀餽送而後可成也。

世如變鬼央人轉薦于東家。

鬼爻出現而世又化出者必須再得推薦乃可成。卦無官而世爻有化出者初未有人推薦亦不可成。

夾人薦之。則可成。若鬼化鬼父。化父。又主反覆難成。

世無生合。謾看白照之紛紛。

凡遇應不尅世。父母不空。兄。兄。兄。不動。而月建日辰動。父。並不生合世父者。其事可成。但主人不欽敬。皆以白眼待之也。

福或興隆。會見青衿之濟濟。

占館以福父爲門生。取相多。休囚少。空亡不上卦。雖是其人作主。未必其家子弟也。子化子。生徒必多。帶殺動來尅世日。後恐有操戈入室者。

衰逢扶起。日加鼓篋之徒。

子孫旺相。却被日辰動。父刑尅。主生徒始多。集在館。日後漸自減少。子孫休囚。却係日辰動。多生。

令扶起則主始雖不多
開館後日漸增進也

動遇衝開時減執經之子

子孫爻動固是吉兆若被日辰動爻衝散其徒必
有背師而去者如彼世衝散是先生叱退其徒非
弟子自背其師也子孫動變空亡則弟
子中有半途而廢者是歇學非叛去

逢龍則俊秀聰明遇虎則剛強頑劣

子臨青龍其徒必然聰明俊秀更逢月建日辰生
合而又臨金水爻者必有穎悟非常之子若臨白
虎則多頑劣不馴發動其性必野難以教
訓凡遇青龍必有禮貌遇白虎必不盡禮

陽卦陽爻居養位座前有劉恕之神童陰宮陰象化

財爻帳後列馬融之女樂

子孫在陽宮賜爻而臨胎養及金水二爻旺相不
出者其徒必有出類拔萃如劉恕之神童在
陽宮若在陰宮陰爻而又化財者必有女兒
爻不化財爻而在兌宮者亦有女徒

而祖與衝鬼谷值孫贖龐涓之弟子子孫皆合伊川
通易時游酢之門生

卦有兩爻子孫俱動相衝弟子中必多不合更加
白虎麗蛇數有爭鬪若來傷世必然責及先生如
遇二爻俱來生合世爻則門生自盡弟
子之體尊師重傳必不輕背其師也

世動妻爻決主親操井曰

世臨財動是自炊爨爨非供膳也若占供膳又主供
得膳成惟怕兄動或雖不動而持身世者皆主供
不成大凡占館過財爻持
世又主西席家眷同至

應生財值定然供膳饗餐。

財爻臨應生合世身定主供膳財爲飲食故也。若月是日辰動爻俱帶妻財必非一家束進供膳乃許生輪流供也。財爻旺相款待必厚休囚款待必薄。財化子必豐潔財化鬼無美味財化父必淡薄。財化兄常食而已。

如索束脩可把妻財推究若居伏地還求朋友維持。

凡占取索束脩以財爻爲主若不出現不拘伏在何爻下皆主費力難索必須免求朋友同行取討則或可得蓋凡伏藏須得月建日辰動爻提起伏神如同飛神然後得出爲用故也。

出現不傷旺相生身名曰吉入空無救休囚化絕號

爲凶。

凡占東脩得財父出現旺相不空而月建日辰動
父不帶兄弟傷尅則不缺欠更得財父生世合世
大吉之兆若財雖出現却被尅劫或居絕地或空
亡或變出死墓絕父皆不遂意世持兄尅尤難取
討得子孫
旺動亦好

變出父父書債必然償貨物

財動化父或父動化財主東脩必無金銀實物多
是貨物准折乃有名無實之象卦中兄弟更動雜
貨物亦
不盡得

化成兄弟硯田定主欠收成

兄弟乃劫財之神若發動或持世皆難入手財化
兄有名無實或得一半卦若無財遇兄化出則主
有人
抽分

身空應空財福空必成虛度。

凡占束脩過卦身應爻及子孫妻財或空或不上卦主束脩無得蓋財爲用神身爲事體應爲諸生父兄而子孫又生財之神今皆空休其能取乎故成虛度。

日尅月尅動變尅恐受刑傷。

月日辰動變諸爻皆來刑尅世爻者占館必不成占束脩恐被諸生父兄呵責宜慎之。

鬼化財生非訟則學金休矣。

卦中無財而遇兄鬼文書亂動有化出財爻生合世爻者必須訟訴公庭然後可得束脩宜爻獨發世亦然。

子連父合因學而才思加焉。

凡古學儒。世若衰絕無氣。而遇子孫動化。父母生扶。合起世父者。主先生才學。本不克贍。因教訓子弟。而其才思日加進益。卦有財動。則不然。

○詞訟

小忿不懲。必至爭長競短。大虧既負。寧不訴枉申冤。
欲定輸贏。須詳世應。

卦中世應。卽狀中原被告人。須看此。則兩邊勝負可知。

應乃對頭。要見休囚死絕。世爲原告。宜臨帝旺長生。

占訟。以世爲原告。應爲被告。若被告占。以世爲自巳。應爲對頭。應旺世衰。他強我弱。世旺應衰。我強他弱。逢兄遇鬼。雖強理短。臨財持福。雖弱理長。

相尅相衝乃是欺凌之象。

世爻刑尅應爻未必我勝乃是欺我之象必得鬼尅應爻方爲我勝應爻刑尅世爻未必他勝乃是欺我之象必須鬼尅世爻方爲他勝世應遇三刑六害六衝兩爻俱動者是鴿蚌相持之勢兩不相讓之象。

相生相合終成和好之情。

世應生合原被有和釋之意世生應我欲求和應生世他欲求和世應雖生合而變爻刑衝者口和心不和也世應雖衝尅而變爻相合者始不和而終和也生中帶刑合中帶尅而動空化空者俱是假意言和未嘗信任之也。

世應比和官鬼動恐公家捉打官司。

世應比和亦是和解之象。卦無財。或落空。是財用
不終。而欲和也。但得子動。日建。日辰。下指。刑尅。必
成。和。若世應生合比和。而官鬼却動者。王官府
提打官司。司不依和議。鬼爻休囚。是主詞人刁蹬。不
有制。終
成和議

卦爻安靜子孫興喜親友勸和公事。

世應生合比和。而六爻安靜者。不勘自和。世應雖
不生合。而子孫發動者。必有勸和之人。和釋兩邊
也。與世同宮及世爻化出。是我親友與應同宮及
應爻化出。是被親友在間。爻則是中証人也。若被
世應動尅。或鬼旺福衰。雖或勸和。不能依
允。卦無子孫。及落空亡。必然無人撓留。

世空則我欲息爭。

世空我欲息爭。應空他欲息爭。世應俱空。兩願消
散。未成訟。世空告不成。應空事無頭緒。初下狀。世

空必有悔心。或遇變故。官司不理。應空到頭走閃。不成訟。世空恐無主意。不能取勝。應空人不能齊。或對頭驟閃。不能結訟。

應動則他多機變。

世動我必使心用謀。若化鬼。或化兄。回頭刑尅。反爲失計。應動他有謀畧。加月建必有貴人倚靠。反傷世。必致大禍。宜世空避之則吉。

間傷世位。須防硬証同謀。鬼尅間爻。且喜有司明見。

間爻爲中証人。生世合世。必然向我。生應合應。則必向他。與世衝尅。與我有仇。與應衝尅。與彼有隙。若旺爻生應。衰爻合世。是助彼者有力。助我者無功。或靜生應。動尅世。是向彼者雖不上前。怪我自備。來出頭也。若衝尅之爻。反去生應。合應。或與應爻比和。須防彼與中証人同謀陷害。若得鬼爻尅。

制或被日辰衝散合住。是官府不聽其言。我得無事。問爻若受三刑六害。衝尅中証。必遭杖責。

身乃根。因事體空。則情虛。

卦身一爻。乃詞訟根由。旺則事大。衰則事小。動則事急。靜則事緩。空亡不出現。皆是虛捏事故。飛伏俱無。毫釐不實。旺相空亡。一半真假。要知爲何起訟。以所臨六親斷之。如臨父母。是田房樹木。或爲尊長起訟。臨兄。爭財鬭毆。門戶役事。或爲兄弟朋友起訟。臨子。是漁獵六畜。僧道醫藥。卑幼起訟。臨財。是婚姻財物。妻妾奴僕起訟。臨官。是搬青放火。人命賊盜。官災。或功名銜役起訟。婦人占。必爲夫事。若臨螣蛇。則是被人牽連之事。持世切已事。臨應他人事。

父爲案。卷文書。伏須未就。

卦無父。案卷未成。父母旺空。文書未就。休囚空亡。其事不成。如帶刑爻。或臨敗病。必多破綻。化財亦

然化兄還欠筆削死墓衰絕皆不濟事若被月建太歲衝尅上司必要駭太歲月建作合上司必弔卷有衝散或尅破皆不依允

鬼作問官尅應則他遭杖責

官爲聽訟官尅世我遭責訟必他勝尅應他遭責訟必我勝世應俱被傷原被皆受責若鬼爻雖刑尅而文書却有情杖責須有罪名則無

日爲書吏傷身則我受刑名

日辰能救事能壞事原被皆要此爻有情則必有人看顧若臨庭爭訟則當以此爻爲吏書吏合世爻于我有益生合應爻于彼有益衝尅應衝壞彼事衝尅世衝壞我事又如思動尅世而得日辰尅世衝散令住者是官府有怒于我財力勝人一言解之而得完宥也

逢財則理直氣壯

占訟以財爲理。臨世我有理。臨應他有理。臨世而休囚死絕。我雖懦怯不濟。臨應而鬼來刑害。彼雖有理而官府不聽。若遇兄。則主不能分辯。如占下狀。則財爲忌。或發動。或持世。或值日辰。或帶月建。皆主不成。

遇兄則財散人離

兄弟破敗耗散之神。若在身世。爻上。事必干衆。動則廣費貲財。更化兄。或加白虎。必主傾家蕩產。財散人離。臨應爻。則以彼斷之。

世人墓爻難免獄囚之繫

世爻入墓化墓。或臨鬼墓。卦象凶者。必有牢獄之禍。墓爻衰弱。是穢禁籠中。臨白虎。在獄有病。自空。

化空死
于獄中。

官逢太歲必非州縣之詞。

鬼在本宮內卦。本州本縣詞。本宮外卦。事在本府。第五爻。撫按三司。六爻。事干省部。外宮外卦。必發于外縣他州。官問官逢太歲。必干朝廷。逢月建。必涉臺憲。

內外有官。事涉一司終不了。

官不上卦。無官主張。內外有官。擅不歸一。主事體反復。必經兩司。然後了事。不然則有舊事再發。或被他人又告。官化官。官亦然。空則勿斷。

上下有父詞興。兩度始能成。

官父二爻。不宜重見。主有轉變不定之象。其事必主纏綿。不離了結。如占告狀。遇有此象。再告方成。

若月日動變諸爻俱帶文書重疊大過者雖告數次亦不能成

官父兩強詞狀表章皆准理妻財一動申呈訴告總徒勞。

凡欲上表申奏申呈告訴等事皆要官父兩全有氣不空則准理缺一便不成最怕財動則傷父必不可成若父雖旺相財爻持世或父動化財皆主詞理未善宜更改可成卦無財爻月建日辰帶財亦不能成。

父旺官衰雀角鼠牙之訟。

父旺相官休囚詞狀幞頭雖大事實細故乃鼠牙雀角之訟父旺官空或有父無官主詞狀雖善官府却不放告受詞。

變衰動旺。虎頭蛇尾之人。

凡世應旺動。是有併吞六國之勢。若變入死墓空絕。乃先強後弱。虎頭蛇尾之象。應以彼言。世以己言斷之。

世若逢生。當有貴人倚靠。應衰無助。必無奸惡刁唆。

世爻衰弱。遇月建日辰動爻生合。必有貴人扶持。彼亦無可奈何。應爻遇之。是彼有人扶持。我亦不能制勝于彼也。間爻生合。可得中証。人力。鬼生合。得官府中人助力也。

無合無生。總旺何殊。獨脚虎。有刑有尅。逢空當效縮。

頭龜。

應爻旺動。則無一點生合者。彼雖剛強有謀。乃是獨脚之虎。不足畏也。世無生合。是我勢孤無助。若

遇月日動變刑尅世爻其象最凶得世在空爻謂
空避如訟未成不告爲上若已成訟當效縮頭之
龜勿與對理可也否則必遭罪責應逢刑尅而
避空者是彼有躲避之計我亦不能施其謀也

兄在間中事必干衆

兄弟在間爻詞內干犯牽連衆多動則中証人貪
索賄賂衝尅應爻索彼之財物也兄弟逢空事雖
干衆到官者少化官傷世若
不用財買囑他人必被其害

父臨應上彼欲興詞

父母爲文書臨世我欲告理臨應他欲申訴動則
事已行矣化入死墓空絕必不成事若逢合住尅
制必有
阻留者

父動而官化福爻事將成而偶逢鬼勸父空而身臨

刑殺詞未准而先被笞刑。

凡占告訴遇官父兩動其事可成。若父化子傷尅官。或官化子刑衝父。必主身到公門將投詞而有刑。或被日辰衝尅。告狀且不准。先遭杖責也。若官父皆旺而有此象。雖被杖責。事必可成。

妻動生官須用貲財囑託。

父母有氣不帶刑害。不臨敗病。不被衝尅。則詞理中式。事必可成。若鬼休囚死絕。亦難准理。遇有財動生扶。可用貲財謀幹。然後有望。若訟已成。卦有此象。必須用財囑託官吏。姑待鬼爻生旺月日。方能成事。更遇子孫發動。仍復無氣。雖費貲財。亦無所益。

世興變鬼必因官訟亡身。

世持鬼我失頭。應持官。他失理。世變鬼恐因官事而喪命。應變由心。以彼斷之。無故自空。亦有大難。若世臨鬼父尅臨。或應臨鬼尅世。主兩邊俱有罪責。鬼在世。我不做招頭。鬼在應。他做招頭也。

子在身邊到底不能結証官伏世下。訟根猶未芟除。

卦身臨福德。其事必不見底。出現發動。隨即消散。若占散事。得子動。或世空。皆吉。惟怕本官鬼伏世下。則訟根常在。目下雖不成訟。至官旺日月。仍舊舉發也。

墓逢日德刑衝。目下卽當出獄。歲挈福神生合。獄中

必遇天恩。

世墓鬼墓爻動。皆是入獄之象。若得日辰刑衝尅破。目下卽當出獄。不久禁錮也。在獄占上。最喜太歲生合。世爻主有。天恩赦宥。月建生合。上司審出。日辰生合。有司饒恕。父母生合。必須申訴而後獲。

免也。

若問罪名須詳官鬼。

凡卜罪名輕重以鬼爻定之。旺則罪重。衰則罪輕。帶刑加白虎旺動尅世火受極刑。火主充軍。木主笞杖。水土徒罪。須以衰旺有制無制斷之。不可執滯。

要知消散當看子孫。

要知消散日期。若福動鬼靜以子孫生旺月日斷。鬼動福靜以官墓月日斷。二爻俱靜若鬼旺福衰以鬼爻墓絕日斷。福旺鬼衰以衝動福爻日斷。二爻俱動若福有制伏則看鬼爻。鬼有制伏則看制伏之爻。見官日期專看鬼爻。出獄日期則看破墓月日。或生合世爻月日。

卦象既成勝負了然。明白訟庭一剖是非。判若昭彰。

○避亂

人有窮通世有否泰自嗟薄命適當離亂之秋每歎窮途聊演變通之易因錄已驗之卦爻爲決當今之

倭寇

承平日久莫識亂離之苦不幸海倭竊發橫行吳越之間剽掠村落縱肆淫殺不忍見聞數年以來人情洶湧避亂不暇有在家而遭其燒劫者有在途而被其擄掠者或死非命或致傷殘或夫妻之不顧或父子而相離割恩捨愛惟命是逃然則伯道之棄兒豈虛語乎予賴卜筮未嘗遭遇此固不幸中之萬幸也因以平日所驗者錄述此篇以爲卜倭張本而凡以患難之欲避者亦倣其占云須憑五類勿論六神世之占者皆以玄武爲倭賊予則以官論玄武倘臨福德亦作倭斷耶故憑五類

勿論
六神

鬼位興隆賊勢必然猖獗官爻墓絕人心始得安康

以鬼爲倭者鬼能興災致禍倭亦傷人害物故也
凡指發動勢必猖獗縱橫出入莫能禦止若得休
囚安靜日辰動爻又不衝
併則安枕而臥必無驚恐

路上若逢休出外宅中如遇勿歸家

凡占以卦中二爻爲宅五爻爲路鬼在路上動出
外必遇不如避于家中在宅上動必然在家撞見
不如出
外避之

動來刑害從教知智慧也難逃變入空亡總被拘留猶
可脫

卦中鬼動。若不傷世。任彼猖獗。不遭其禍。如彼刑
衝尅害。必難逃避。若變入死墓空絕。則是虎頭蛇
尾。雖凶無咎之兆。虛驚則不免焉。
若變生旺妻財等。則爲可畏。

日辰制伏。何妨卦裏刑傷。月建臨持。勿謂爻中隱伏。

官鬼動來刑尅世爻。固是凶兆。若得動爻日辰尅
制之。或衝散合住之。皆謂有救。雖見凶惡。必不爲
害。惟怕月建日辰帶鬼刑尅世爻。則雖卦中無鬼。
亦必遭其毒手。月建爲甚。日辰次之。出現則不可
當也。

所惡者提起之神。所賴者死亡之地。

鬼爻伏藏。固是吉兆。若被動爻日辰衝開飛神。提
起伏神。仍被其害。必得鬼伏死墓絕。或臨空亡。則
雖提之。亦不能起。方無事也。且如甲申日卜得渙
卦。六爻安靜。又無宜鬼。豈非吉兆。殊不知本宮已

亥鬼伏于六三空亡爻下。既已透出。又遇中日提
起。且又衝尅世爻。所謂變吉爲凶。果被婦人引禍
及已。蓋申金乃
離宮妻財故也。

自持鬼墓墳中不可潛藏。或值冰神舟內。猶當仔細。

官父自持鬼墓者。如水土墓在辰。鬼在辰。爻動是
也。凡遇此象。不可避在墳墓中。土鬼皆然。雖宇宙
之內。亦不宜也。木鬼不可避在草木叢中。水鬼不
可避在舟中。金鬼不可避在寺觀中。火鬼不可避
在窑冶中。水化水。不可避在夾內。乾宮鬼化父。
不可避在樓閣中。否則必然遇見。餘當倣此推。

子爻福德非宜行。午象官爻南勿往。

官鬼所臨地。倭寇出入之所。宜避之。如臨午爻。勿
往南方類。子孫所臨地。倭寇不到之處。宜往之。即
臨子爻。宜往北
方類。餘倣此。

鬼逢衝散何須尅制之鄉。福遇空亡莫若生扶之地。

取子孫之地爲吉者以其尅制官爻也。若發動則取之。若福靜官動而卦有衝散合住官爻者卽以衝合之方爲吉。以其爲得用之神故也。若卦無子孫或落空亡或衰靜受制不得其力而鬼爻又無衝散合住之類者則取生合世爻之方爲吉。但不宜在鬼爻刑尅衝害之地耳。

旺興內卦終來本境橫行。

凡古倭夷到此地否。若官在本宮內卦發動必到此地。在他宮外卦則不入我境。內卦持世值到宅邊。內卦應臨雖來不入我室。卦身臨之彼此俱遭其禍。

動化退神必往他鄉標掠。

官鬼發動其勢必來。若化退神乃是往于他處劫掠也。如化進神倭必速到宜早避之。

官連旺福合生身反凶爲吉

官爻發動尅世必遭毒手若得化出子孫或化于財反來生合世身者必然因禍致福或得財物或得子

陽化陰財刑尅世弄假成真

官爻發動不傷世爻而化妻財反傷世爻者必因貪得財物而惹禍也若陽鬼化陰財陰鬼化陽財須防倭賊假粧婦人哄誘鄉民因而遇之不能避也得世在空避之庶幾可脫

賊興三合爻中必投陷穽

卦有三合爻動最怕鬼動其中或會成鬼局必主倭夷四邊合來雖欲避之前遭官遇左衝右撞不能脫離卦有兩鬼俱動尅世亦三合財局身雖無事財物失散三合父局小兒三合三合財局生

合世父反主得財刑尅世父則王父
母失散三合子局則傷鬼最吉也

身在六旬空處終脫樊籠

身世空亡雖見刑尅不能爲害避空故也如癸亥
日卜得損之臨卦日辰扶助官鬼動尅世父並無
救制豈非凶兆然而
世坐空亡果應無事

官鬼臨身任爾潛踪猶撞見

官爻持世乃是倏賊臨身如何可避
如被捉去而占亦不能脫彼而回

子孫持世總然對面不相逢

子孫持世不動亦吉發動尤妙考臨月建或帶日
辰或在旁爻旺動皆吉卦中雖有鬼動亦不足畏
大怕空亡則不幹事

兄變官爻切恐鄉人劫掠。

卦中無鬼。或落空亡。而遇兄動變出者。須防鄉人乘機劫盜財物。非真倭賊也。兄在內卦。近鄰人。在外卦。遠方人也。

財連鬼殺。須防臧獲私藏。

卦中無鬼。財變官爻者。恐是家中奴婢。假粧倭子劫掠財物。或在亂中被其藏匿。在外卦。乃鄰里人。

日辰衝尅財爻。妻奴失散。動象刑傷福德。兒女拋離。

官鬼動。必有驚險。不拘日辰動爻。被其傷處。即不
太平。如衝尅財爻。主妻奴失散。衝尅子孫。主兒女
拋離之象。

火動尅身。恐有燎毛之苦。水興傷世。必成滅首之凶。

卦中火加凶殺動來尅世。主有火燒之禍。火帶財爻。或化妻財。或卦無父母。或父落空亡。房屋必成灰燼。若水加凶殺尅世。主有溺水之患。更遇世衰無救。必至溺死。水帶父母動于外卦。則受風雨淋漓之苦。

父若空亡。包裹須防失脫。妻如落陷。財物當慮遺亡。

父爻空亡。包裹必然亡失。不然。則父母有不測之禍。財空。財物恐有失散。不然。則妻妾有不測之禍。子孫空亡。憂小口。兄弟空亡。憂手足。已上避空。則勿斷。惟官鬼空亡。爲大吉。

五位交重。兩處身家無下落。

凡遇五世及遊魂卦。世爻發動。脫身在外。東奔西走。避亂不暇。身宅兩處。不顧財業。更遇日辰動爻。

衛散世爻必無安身
下落之處空動尤甚

六衝亂動一家骨肉各東西

八純六衝卦六爻亂動者主父子夫妻兄弟骨肉
各自逃命不能聚于一處六合卦雖離一家骨肉
必不分散已上五條必須卦有
官動方有此象不動不可亂言

福臨鬼位刑衝帶殺則官兵不道

子動因吉兆若帶刑官虎蛇等殺衝剋世爻而又
變出官鬼者乃是官兵乘亂擄掠并關倭寇事也
子孫雖不傷世化鬼却來刑剋者亦然且如五月
戊寅日有卜倭得明夷之謙卦二鬼俱靜子孫獨
發皆欣喜予獨戒其慎之蓋子孫雖動被日辰扶
起剋世則非吉兆况變官爻係是世墓世臨病爻
謂之帶病入墓其凶可知但官從子化出
必非倭夷之禍及官兵之禍也已而果然

官變兄父尅合傷財則妻妾遭淫

官父發動刑尅世爻令住財爻則身被擒獲妻遭淫汙如不傷世而但合住財爻者身雖無事妻必被辱也更化兄父既姦而又不放回也若鬼雖不合妻則而化兄帶合尅制者亦然于化官令財恐受官其之辱也財化子必不順從

妻去生扶只爲貪財翻作禍

鬼父發動最喜休囚死絕決無深傷若有財動生扶必爲貪彼財物而惹成禍患也世以已言應以人言若在旁爻及日辰帶財者又是婦人引惹禍來非爲財物也在內卦自家妻妾在外卦是他家婦人

子來衝動皆因兒哭惹成災

官鬼安靜幸也。若被子孫衝動。必有小兒啼哭。因而知覺。乃被其害。世爻衝動。自身惹災。應爻衝動。他人惹禍。兄爻衝動。同件惹禍。日辰衝動亦然。

得值六親生旺。雖險何妨。如臨四絕刑傷。逢屯卽死。

凡動爻日辰傷剋。必有災咎。若受傷之爻生旺而有氣。總有驚險。不致傷命。惟怕臨于四絕之地。或在月令衰弱之爻。一剋卽倒。必然喪命。如五月庚寅日。卜得大壯之小過卦。日辰妻財生扶動鬼刑衝子孫。又剋兄弟。果被獲去一弟一子。然子坐絕地。而夏月庚金正弱。兄臨土爻正旺。所以子死非命。而弟得回來也。世爻亦被動爻衝剋而無事者。世得避空故也。

世遇亂離。既已逐爻而決矣。時遭患難。亦當隨象以推之。

平居無事何暇占上。倘或刑戮所加戶役。或官府擒拿仇家報復。或禍起于無辜。殃生于不測。苟不避之。終爲所害。是以不能無避難之古也。然大槩與避亂相似。故併附于此。

最怕官爻尅世則必難迴避。

不拘脫役避禍。若遇官鬼動來刑衝尅世。皆不可避。持世亦難。必須星爻空亡。或不上卦。或衰絕不動。然後爲吉。若鬼雖空絕安靜。却遇本宮官鬼伏于世下者。目下無害。日後必然舉發。

大宜福德臨身則終可逃生。

子爲解神。若臨身世。或在旁爻發動。或值月建日辰。則雖遇官鬼亦不妨事。大怕空亡墓絕。或被父動尅制。則爲無用。

官化父衝必有文書挨捕。

父母驅動名字已入憲冊必有官批在外鬼爻亦動事體正急宜速避之爻化官官化父刑尅世爻者必着公差挨捕宜慎防之世爻空亡雖捕不獲

日衝官散必多親友維持

卦中官動固難逃避若得日辰動爻衝散之或尅制合住之必有心腹親友與我周旋幹事或解釋或阻擋不使之累我也要知何人以衝合制鬼之爻定之鬼帶月建雖阻無益

鬼伏而兄弟衝提禍由骨肉

鬼爻動要見衝合鬼爻靜怕見衝合如兄弟衝動鬼來刑尅世爻是自家骨肉搜踪捕跡恐難逃避若鬼伏藏而遇動爻日辰衝開提起者亦以六親定其害我之人世爻自去提起者必是自不小心

撞見之也

官靜而旁爻刑尅事出吏書

鬼動其事必由官府鬼靜而卦中動爻日辰刑尅世爻者乃是下司本局自作主張或是仇家陷害他若化兄爻或卦中地兼動者是欲索詐財物也

應若遭傷當累衆

官鬼傷尅應爻必然累及親友日辰刑尅應爻亦然

妻如受尅定傷財

妻財如遇兄弟動必主破費財物財爻合佳官爻或衝散官鬼或化子尅制官鬼皆宜用財買求方得無事

偏喜六爻安靜

六爻不動。官爻無衝併者。患難可避。戶役可脫。大言之兆。

又宜一卦無官。

無鬼則無官。主張事必平安。空亡亦吉。

或身世之逢空。

世爻空亡。百事消散。總有鬼動。亦不妨事。海底眼之世空。世動其憂脫。正謂此。

或用神之得地。

卦中得用之神旺相有氣。不逢刑剋衝害。不化死墓空絕。皆為得地。必得此人之力。如占避居何處。亦以此方為吉。如鬼爻發動。得父爻合住。則父爻為用神也。餘倣此。

天來大事也。無妨。海樣深。譬何足慮。

此二句總結上四條卦中有一象決然無事也。

事有百端理無二致。潛心玩索。若能融會貫通。據理推占。自得圓神不滯。

○逃亡

寬以御衆。侮慢斯加。嚴以治人。逃亡遂起。故雖大聖之有容。尚謂小人之難養。須察用爻。方知實蹟。

用爻者。妻妾奴婢逃亡。看財爻類是也。

若臨午地。必往南方。或化寅爻。轉移東北。

凡占逃亡。用爻安靜。以所臨之地爲逃亡去向。如坎北方。午南方類。用爻發動。以變爻定其方向。如

臨午動變出寅。可言初去在南方。今移于東北方也。獨發之爻。亦可定方。六爻安靜。卦無主象。則以應爻定之。

木屬震宮。都邑京城之內。金居兌象。菴院寺觀之中。

用爻在乾宮。尊長家。或在父族。或隱于樓閣上。坎宮。兄弟家。或在船上。或水亭中。艮宮。少男家。或在山間。或有高岡。烟去處。或石匠人家。震宮。竹木林中。或鬚髮人處。或城市間。離宮。姊妹妯娌家。或窯冶所在。金爻。銅鐵匠家。巽宮。花園蔬圃之內。死絕柴草之中。或在賣履織蓆之家。坤宮。老陰人家。或在母族。或在曠野墳墓去處。兌宮。在女人家。旺相。寺觀中。休囚。菴院內。更宜通變。不可執滯。

鬼墓交重。廟宇中間隱匿。休囚死絕。墳陵左右潛藏。

用持鬼墓。其人必在聖堂神廟中。死絕無氣。則在墳墓左右。用爻入墓化墓。乃在人家牆圈內住。不

然亦主深居
不出而難尋

如逢四庫當究五行

四庫辰戌丑未是。如用爻屬木。卦有未動類。凡遇墓庫。不可一例推。如辰爲水土庫。必在水邊墓側人家。戌爲火庫。乃在寺廟香火去處。丑爲金庫。是在銅鐵銀匠家。或在冶坊內。未爲木庫。則在園林柴草間。或木工篾匠之家。已上用臨土爻。亦依此斷。凡占逃亡盜賊。若遇墓爻。決難尋覓。直待衝破墓爻。月日方可覓。

倘伏五鄉豈宜一類

卦無主象。須看伏在何爻下。便知其人在于何處。如伏鬼下。在管倉庫家中。旺加月建。官戶人家。休囚無氣。公吏人家。伏父下。叔伯父母尊長家。不然在手藝人家。伏兄下。兄弟姊妹相識朋友家。伏財

下。奴婢妻妾陰人處。或富戶人家。伏于下。在寺觀中。卑幼處也。又如伏于鬼墓下。不在廟宇中。則在寺菴內。又如伏于財庫爻下。不在倉庫中。則在富豪家也。

木興水象定乘舟楫而逃。

用爻屬木在坎宮動者。必乘舟逃去。木化水。水化木。或木在水宮動。或水動木宮者。皆然。用爻若臨火土。乃是陸地潛行。用爻衝動水爻。涉水逃去。衝動火爻。踰牆越籬而去。水爻刑剋用爻。必曾溺水。動合伏財。必拐婦人而去。

用爻動來與木宮財爻作合。其人必拐婦人逃去。財若伏于世下。必是妻妾。應爻下。鄰家婦人。在旁爻。使令女子。主乘變出之爻與卦中財合者亦然。若婦人逃亡。遇財官相合。亦見暗約情人而去也。內近外遠。生世則終有歸期。

用爻在本宮內卦。人在本地。或在宗族之中。初爻在鄰里。二爻在鄉黨。本宮外卦。本府別縣去。他宮內卦。外縣交界處。他宮外卦。別府州縣。更在六爻。遠方逃去。若臨世上。其人未曾出竊。最喜生世。合世。其人雖去。常思故里。日後當自歸。尋亦易見也。

靜易動難。坐空則必無尋路。

用爻不動。其人易尋。動則遷移無常。指東言西。或更名改姓。必難尋獲。若落空亡。杳無踪跡。動入空亡。逃後必死。亦有大難。有故空亡。恐人察識。遂深避之。無故空亡。必有歸日。

合起合住。若非客隱。卽相留。

靜爻逢合。則合起。動爻逢合。則合住。若日辰動爻合起。主象必有窩藏。客隱在家者。卒難尋覓。如被合住。則有人相留在家。不致放寬也。要知相留客隱之人。以合爻定之。如子孫爲僧道。官鬼爲巡捕。

類合爻與世衝
尅決不來報

衝動衝開不是使令當敗露

靜爻逢衝爲衝動動爻逢衝爲衝開用爻遇動爻
日辰衝動家中必有人使令逃亡者如父是尊長
財是妻妾類若被衝開有人喝破去後必當敗露
衝爻是兄或兄弟必被索詐財物更帶刑爻或加
蛇虎仍被驚提動
空化空終身放

動爻刑尅有人阻登程日建生扶有伴糾他同去

用爻遇動爻日辰相尅必被他人責打逢衝被人
喝破遇尅被日提住有扶有併有人同去有生有
合有人糾他同去已上刑尅等爻與世有情必來
報我與世無緣雖阻何益若在五爻宜路上候之

間爻作合原中必定知情

問爻爲原保人。無保以鄰里斷之。如與用爻相
必知其情。更與世爻衝尅。必是此人誘去。空令
化空亡。始雖知情。
今却不知其去也。

世應相衝路上須當撞見。

世應俱動相衝。途中必然撞見。用爻與世動衝。亦
然。世爻動尅用爻。或世旺應衰。必然擒拿。應旺世
衰。或用爻尅世。雖
能遇見。不能捕之。

無衝無破居六位則一去不回。有尅有生在五爻則 半途仍走。

用爻不受刑衝尅害。又不生合世爻。而世爻不尅
應者。是逃者不思歸。尋者不得見。乃一去不回之
象。若動爻日辰尅制用爻。是可擒之象。若遇變出
之爻反生合用爻者。主捕後仍被逃走。在五爻途

中斷在內卦到家歸持
世爻則捕歸而復逃也

主象化出主象歸亦難留

卦有用爻不宜再化出來謂化去必難捕獲若被
世爻動爻日辰剋制庶可尋覓但捉歸之後亦不
久留

本宮化入本宮去應不遠

本宮仍化本宮卦其人逃在本處地方必不遠出
別境若用爻在他宮動而又化入他宮者遠去他
方不在本鄉也

歸魂卦用仍生合不捕而自回遊魂卦應爻
潛而會遁

凡遇歸魂卦。其人還鄉意。若世應比和生合。或主象生合世爻者。必自歸。尋之亦易見。惟遇遊魂卦。其人必無存心。決不思歸。更若應爻發動。必能東還西徙。隱諱實跡。能潛會遁。尋之必難見面。若得世爻旺動尅應。日辰動爻制伏主象。庶可尋獲。亦不費力。

世尅應爻。任爾潛身終見獲。應傷世位。總然對面不相逢。

世尅應是我制住他。去不甚遠。尋之易見。應尅世是他得志。去有自由之象。尋之難見。

父母空亡。杳無音信。

父母必有信。動空化空。皆是虛信。旺相空亡。半真半假。休囚空亡。杳無音信。父化父。或兩父動。必有兩處人來報信。若遇日辰合住。必被人阻。不能來報。用爻化父。或卦無用爻。而遇父母化出。當出招。

子候緝然
後有信。

子孫發動當有維持。

子孫臨身世則好去好回。自然順利。如在旁爻動。或係日辰生合世爻。必有維持調護之人。總有逆事不能爲害。

衆殺傷身。切恐反遭刑辱。

動變月日刑衝尅害世爻者。衆殺傷身也。須防反遭刑辱。得世爻空避。庶可脫免其禍。

動兄持世。必然廣費貲財。

兄弟持世。費財可尋。旺相發動。必然廣費貲財。若加玄武乘旺動尅。須防有人劫騙。世化兄。自家失脫。世臨無故自空。亦有遺亡之慮。

父動變官。必得公人捕捉。

卦中父化官。官化父。或官父俱動。必須與詞告官差捕。然後可獲也。

世投入墓。須防窩主拘畱。

凡遇凶卦而世入墓者。必有反被拘畱之辱。卦吉而遇此象。則尋覓之後。身有災病。

世應比和不空。必潛于此。

凡卜逃人在此處否。須得世應生合比和。用爻出現不空。必在此處。若用爻或空或伏。或被日辰動爻刑剋。其人決不敢往。兄弟獨發。亦不在此處。若用爻變出之爻與應爻作合。或與日辰相合。必曾潛住于此。則轉移他處矣。

世應空亡獨發。徒費乎心。

逃亡世空。去尋不成。應空。尋亦不見。世應俱空。必主空回。决無尋處。兄弟獨發。虛詐不實。亦不見也。但能索隱探幽。何慮深潛遠遁。

○失脫

附盜賊

捕盜

捉賊

民苦饑寒。每有穿窬之輩。物忘檢束。亦多遺失之虞。要識其中之得失。須詳卦上之妻財。

財爻爲所失之物。一卦之主。

自空化空。皆當置而勿問。日旺月旺。總未散而可尋。

財爻無故自空。或動化空。皆尋不見。因當置而勿問。若財爻得月令有氣。或在日下生旺之地者。其物未散。必然可尋。旺相空亡。可得一半。

內卦本官搜索家庭可見他官外卦追求鄰里能知
財在內卦又屬本官其物未出家庭尋之必見財
在外卦又屬他官物已出外尋之便見難矣在間
又鄰里人家可尋若財雖在內不在本官其物在
屋之外不在屋之內財雖在外却屬本官其物在
宅之內不在宅
之外更宜通變

五路四門六乃棟樑閣上。

財在六爻係本官物在屋上屬金在壁頭上加騰
蛇在瓦楞下屬木在樑上加勾陳在斗拱上日辰
作合在閣板上屬水在屋漏處加玄武在坑屋上
屬火在天牀邊或在厨竈屋上屬土在燕窩中六
爻係外官物在遠方屬土在牆邊屬木在籬邊財
臨五爻物在路邊動則去遠係本官在家中街裏
或人常走動處財臨四爻物在
門前係他官則在牆門外也。

初井二竈三爲閨閫房中

財臨三爻係本宮物在房內屬金鐵器中屬木在
牀邊有合在箱籠櫥櫃中屬水在媽子下屬火在
香火堂中或火爐內燈架邊屬土房中酥泥內外
宮則以屋外事斷如金爲街初類財臨二爻物在
廚竈邊屬金碗盞缸甕中屬木五穀木器內屬水
盛及漿水器中屬火煙樓竈肚內屬土灰堂泥土
中財臨初爻物必蓋地屬金在磚石堆內屬水在
井中父母作合在陰溝內屬木在地臺下屬火灰
堆中或竈基下屬土埋藏土中生旺方埋
墓絕埋久胎養方欲起意埋藏未曾下手

水失於池木乃柴薪之內土埋在地金爲磚石之間

財臨水爻生旺物在池沼中墓絕物在溝渠內逢
衝長流中合住是及盛死水中財臨木爻生旺竹
木林中死絕柴薪內又陽木竹篠內陰木草叢中
係本宮則竹木器中五穀囤內財臨金爻內卦旺

相在銅鐵錫器中。休囚。缸甕瓶罐內。外卦旺相。石內。休囚。瓦礫中。財臨火爻。必近香火。或在竈邊。財臨土爻。丑臨金庫。必銅鐵器中。或蕭牆內。磚壁脚跟。辰爲水庫。在陽溝內。溪畔埋藏。不然。亦是窰下所在。未爲木庫。必埋蔬菓園中。或埋田野草中。或米麥囤底。戌爲火庫。必埋竈底。或埋灰內。或埋高泥墩上。此斷義理。不能盡述。當各以類推之。

動入墓中財深藏而不現

太抵妻財所臨之爻。或在其中。或在其傍。未可必也。惟財爻入墓。化墓。或伏墓下。必在器物中。不可以邊旁近側言。要知何物。內以前五爻四庫推之。

靜臨世上物尚在而何妨

凡占失脫。財爻不宜動。動則更變難尋。若得安靜。持世生世合世。其物皆主未散。必易尋。生旺不空。

尤妙。衰絕受制。亦不濟事。

鬼墓爻臨。必在墳邊墓側。

財臨鬼墓。其物必在神廟中。無氣則在墳墓內。如係本宮內卦。則在柩傍。或在坐席上。更加騰蛇。恐在神圖佛像之前。在三爻。香火堂中。

日辰合住。定然器掩遮藏。

財爻發動。遇日辰合住。必然有物遮掩。合而又衝。半露半遮。要知何物掩蓋。以合爻定之。如火爻又母作合。為衣服掩蓋類。旁爻動來作合者亦然。

子爻福變妻財。須探鼠穴。酉地財連福德。當檢鷄栖。

凡占失脫。財化福。福化財。其物必在禽獸巢窟中。如值子爻。是鼠嚙去。更在初爻。在地穴中。寅是貓。

卯去丑在牛欄內午在馬廐中未在羊牢酉在
雞栖亥在猪圈類也有合則在內無合則在傍

鬼在空中世動則自家所失

卦無官或落空而世爻動者自家遺失非人偷要
知何故失落以世臨六神定之如臨青龍酒醉失
或因喜事失臨白虎因病失或因喪事或因跌而
失臨勾陳因起造失因耕種失臨螣蛇與應衝苑
爭扭失與應生合嬉戲失臨朱雀口
舌爭競失臨玄武或因竊盜失也

財伏應下世合則假貸于人

官鬼或空或伏或死絕不動而財臨應上或伏應
下其物非人偷乃自借于人也
要知何人假借以
應臨六親定之如臨子爲僧道巫醫或卑幼小兒
借去類世應衝苑則勿斷若官空伏而財化官爻
是自遺失
被人拾去

若伏子孫當在僧房道院。如伏父母必遺書笈衣箱。

財不上卦須尋伏在何處。若伏子爻下物在寺院中。休因在六畜門內。胎養小兒誤失。如伏父下物在正屋中。或在尊長處。無合衣服書卷中。有合書箱衣箱等內。若伏兄下。本宮姊妹兄弟處。他宮相識朋友處。如三四爻在門戶邊。外卦則在牆簾下。若伏財下物在婦人處。或在妻妾家。或在五穀內。或在厨竈內。若伏鬼下物在職役人家。或在廳堂內。或在病人處。土鬼在墳墓廟堂中。

在內則家中失脫。在外則他處遺亡。

財在內卦失于家中。財在外卦失在他處。在初爻井邊失。二爻竈邊失。三爻房內失。四爻門前失。五爻途失。六爻遠方失。又如初爻財動化子。或子動來作合。其物必先失在井邊。後被小兒拾去。餘倣此。

財伏逢衝。必是人移物動。

財伏卦中遇動爻。日辰暗衝者。若鬼爻衰靜。其物被人移動。他處非人偷也。要知移動之人。以衝爻定之。衝爻逢空。或化空亡者。移物之人。必不在家。

鬼興出現。定爲賊竊人偷。

凡占失脫。鬼不上卦。或落空。或衰絕不動。皆不是人偷。遊魂卦多是忘記。若鬼爻變動。方是人偷。或雖安靜。若乘旺相。或被日辰衝併。或被動爻合起。亦是人偷。

陰女陽男。內卦則家人可決。生壯墓老。他宮則外賊無疑。

鬼爻屬陽男。子偷。屬陰女。人偷。陰化陽。女偷。與男陽化陰。男偷。寄女處。生壯壯年人偷。墓絕老人偷。

胎養小兒倫帶刑害有病人倫本宮內卦家中人倫他宮內卦宅上借居人倫或家中異姓人倫本宮外卦親戚人倫與世衝尅雖親不和他宮外卦外人爲賊在間爻鄰里賊在六爻遠方賊持世貼身賊

乾宮鬼帶騰蛇。西北方瘦長男子。巽象官加白虎。東南上肥胖陰人。

八卦定賊之方隅六神定賊之形狀如男在乾宮西北方人在巽宮東南上人帶騰蛇身長面瘦帶白虎身胖面白。旺相肥大。休囚瘦小。餘見身命章陰陽以爻象論勿以卦宮推

與世刑衝乃是冤仇相聚與福交變必然僧道同謀

鬼爻與世刑衝其賊素與我有仇隙者與世生合乃是兼親帶故之人鬼化子于化鬼必有僧道雜

在其中子孫帶合是還俗僧道鬼化父父化鬼是
老年人或手藝人不然則是祖父相承為賊者父
臨胎養乃是書童鬼化財財化鬼是婦人或人家
奴婢鬼化兄兄化鬼在內是兄姊妹在外鄰里
相識鬼化鬼公門走動人或曾被入告發更加玄
武賊名已著專以竊盜為計若被父母三刑六害
必經刺字

鬼遇生扶慣得中間滋味

鬼爻無氣又臨死絕而生扶合助者其賊必為饑
寒所迫故至此也若遇動爻日辰扶起者乃是此
賊慣得其中滋味者帶月建是強盜加太歲是世
襲不良動爻日辰無氣作合必有人牽脚來偷

官與上下須防裏外勾連

六爻上下有兩重官者必非一人偷盜兩爻俱動
是外勾裏連二賊同謀內動外靜是家人偷與外

人去外動內驚乃家中
有人知情非同偷也

木尅六爻。審牆而入。金傷三位。穿壁而來。

木鬼尅土。踰牆掘洞。金鬼尅木。割壁鏤籬。火鬼尅
金。劈銀開鎖。水鬼尅火。灌水滅燈。土鬼尅水。涉溪
跳澗。木火交化。明燈執杖。更宜通變。要知何處進
入。以鬼尅處定之。如木鬼尅六爻。踰垣而入。尅初
爻。是後門掘
洞而進也。

世去衝官。失主必曾驚覺。

世衝鬼爻。家主知覺。應衝鬼爻。宅母知覺。旁爻衝
鬼。家人知覺。要知因何而覺。以鬼爻臨五行斷之。
如木爲門戶聲。金爲銅鐵鉤土爲蹣跌。火爲明亮。
水爲水聲。又如戌爲犬吠。酉爲鷄叫。類宜分六爻

斷

日來尅鬼賊心亦自驚疑。

鬼被動爻日辰刑尅。偷時賊必驚疑。如日辰動爻屬金。必觸缸甕響而畏家主知覺。金空乃是人聲。胎養小兒啼。墓庫老人嗽。未敢下手。屬木。是畏門戶牢閉。或聞開門而驚也。屬水。必有登廁小解飲水類。因而撞見。屬火。必見燈火而復退。或火光下穴窺見影響形迹。屬土。乃牆壁堅固。地道險阻。其賊疑懼也。若戌土刑尅。必被犬傷。

子動丑宮問牧童必知消息。福興西地見酒客可探情由。

子動。其人有人撞見。詢之可知消息。如在子爻。可問科頭男子。或捕魚人。在丑爻。可問牧童。或築牆人。在寅爻。是木客木匠。或擔竹木器人。在卯爻。問織蓆賣屨人。或挑柴碎草人。在辰爻。問開池鑿井。

人或傍河鋤地人在己爻問穿紅女子或弄蛇乞丐人在午爻問燒窰乘馬人或討火提燈人在未爻問挑灰耕種人或牧羊人在申爻問銅鐵匠人或弄猴人在酉爻問針工酒客或抱雞人在戌爻問挑泥鋤地者或牽狗人在亥爻或擔水踏車人或洗衣沐浴人

兄動劫財若卜起賊無處覓

卜起賊占尋物皆怕兄動或傷世或世帶日辰或鬼化兄或財化兄皆主財物已散卒難尋覓蓋兄能劫財故也

官興尅世如占捕盜反傷身

凡占捕盜要世旺鬼衰世動鬼靜則易于捕獲若鬼爻乘旺動來刑尅世爻須防反被其害得世空避之或子動解救庶幾可免傷害

世值子孫任彼強梁何足慮

子爲捕賊人當權旺動或臨世或帶月建日辰鬼有制賊必可獲總是凶惡強盜不足畏也若鬼旺福衰鬼動福靜則不能幹事也

鬼臨墓庫總能巡捕亦難擒

鬼爻入墓或臨卦墓或與鬼墓俱動或化入墓或伏墓下皆主其賊深藏不出卒難巡捕得動爻日辰衝破墓爻庶幾可獲

日合賊爻必有窩藏之主

鬼爲賊爻捕盜遇合賊必有人窩藏在家不能得見合臨于世應月日是地主窩藏在旁爻則隱在其家莊上不然亦非地方有名之家也要知窩主以合爻定之如財合是富家或婦人窩主之類

動衝鬼殺還逢指示之人。

鬼遇動爻日辰衝尅必有人指示其賊隱處要知何人指示以尅衝爻定之如丑爲牽牛人亥爲泔衣人木在水上動是舟人類鬼若旺動不受衝尅雖知其賊不能捕獲。

卦若無官理當論伏財如發動墓處推詳。

捕盜無官賊必隱藏踪跡難以尋獲須看伏在何爻便知賊在何處如伏財下在妻家類若卦中無鬼動爻有化出者卽以變爻論之不須看伏如子化出在寺觀中類若卜起賊見財爻發動看其墓在何處便知藏因何方如財爻屬金旁邊丑爻又動金墓在丑丑寅爲艮艮居東北便圖在東北方

伏若尅飛終被他人隱匿飛如尅伏還爲我輩擒拿。

此伏只論鬼爻此飛只論世爻伏尅飛于孫難尋獲飛伏于孫難靜亦可擒拿或曰飛動

只論伏上之
爻亦通理

若伏空爻借賃屋居非護賊。

鬼伏空爻下是借賃其家屋住非爲窩藏不然其賊雖或潛住他家亦不與之容隱後終敗露旺空是不知情空動是不在家也。

如藏世下提防竊盜要留心

凡占防盜最要鬼爻無氣不動或落空或日辰衝散或動爻合住或子孫剋制或世空亡皆爲吉此若鬼爻無制動冠世爻鬼爻生旺日當受其害若卦無鬼却伏在世下目下雖無事至鬼爻生旺日或衝動月日宜防之故要留心伏又空亡始無憂慮。

倘失舟車衣服不宜妻位交重或亡走獸飛禽切忌

父爻發動。

失脫不可專以財爲用。爻若失舟車衣服文書券契。則以父母爲用。爻財動便難尋。若失飛禽走獸及六畜之類。則以子孫爲用。爻父動亦不見矣。又宜通變爲妙。

卦爻仔細揆求盜賊難逃捉獲。